

平

鞋

紀

晒

炎 繼 己 丑
寸 刀 開 離

平桂紀畧卷一

道光三十年庚戌春正月朔日食

武宣賊陳阿貴竄柳州敗走桂平知縣李孟羣擒誅之

阿貴武宣人與陳香晚聚黨數千人道光二十九年秋陷修仁荔浦旋經官兵克復竄柳州提督向榮敗之走匿桂平羅淶山中桂平知縣李孟羣擒誅之香晚竄賓州亦為官兵所獲

雷再浩李沅發作亂竄龍勝同知吳德徵都司鄧宗武擊卻之參將瑪隆阿亡於陣賊入綏寧破門村宗

武及守備蘇秉華千總周榮追賊戰死

道光二十七年雷再浩李世得在新寧全州界猺山內倡習邪說立棒棒會聚眾潛出劫掠新寧官

平桂紀畧卷一

兵捕之再浩拒捕遂謀作亂以李亮易朝等為頭目犯全州廣西提督馬殿甲赴西延督剿獲誅世得再浩退入新寧山中亦為官兵所獲餘黨潰散復歸李沅發二十九年中冬陷新寧縣城湖南官兵旋克復沅發竄興安三十年春復由城步竄龍勝同知吳德徵都司鄧宗武迎擊參將瑪隆阿陣亡賊敗入綏寧由懷遠竄古宜破門村宗武率眾追賊至陰木坪值賊由門村出大雨火器不然與守備蘇秉華千總周榮皆戰死賊竄湖南貴州邊界為兩省官兵截剿復入廣西

二月賓州賊陶八丁四犯上林踞蘆荻三村

陶八丁四糾黨二千餘人犯上林土賊周四等導入大山踞蘆荻三村署思恩府劉繼祖剿之不克執上林縣知縣清泰去旋釋之竄上里墟復糾土賊韋添芬犯武緣乘間薄思恩府城踞鄧墟署思恩府知府馬麗文擊敗之陶八窮蹙就撫易名昌培

土賊石牛四入遷江大掠而去

石牛四名覃石養貴縣人糾黨襲入遷江大掠而去旋散匿賓州知州陶錫圭捕獲之

三月李沅發竄永福堡里賀縣縣丞賴錦榮陣亡

錦榮防守永福堡里聞賊至迎擊於下白里村陣亡賊由三百里村竄永福

四月湖南提督向榮擊李沅發獲誅之

沅發為楚軍擊敗復竄廣西融縣永寧永福陽朔荔浦等處入修仁徭山修仁縣知縣劉益謨誘殺其黨甚眾沅發退回新寧金峯嶺據險為巢以拒官兵湖南提督向榮率師破其巢沅發匿巖中為團練所獲

貴縣桂平土人來人相鬪

貴縣桂平土著獍人曰土廣東潮惠人曰來來人富豪溫某豔土人女美欲娶之誘女夫家退婚不可溫欺其弱竟娶之遂起釁相仇殺來人敗走田舍皆為土踞來人無歸者皆附於金田賊以叛

平桂紀畧

卷一

二

五月貴縣賊顏八李四據來賓古昔墟攻陷縣城大掠而去

六月桂平縣金田村賊洪秀全作亂

秀全廣東花縣人與其黨馮雲山客桂平宜里金田村偽撰妖書詭云神授謂將有大災惟拜上帝可免立會曰上帝以天為天父耶蘇為天兄潛布偽書煽惑鄉愚時廣西土匪竄起人心搖惑附從者益多知府顧元凱知縣王烈捕雲山訊之遣解回籍途中逸去復至金田與楊秀清韋正蕭朝貴等蓄髮謀逆秀清亦廣東人詭言天父下降附其身謂人陰私擿發之羣驚為神蕭朝貴自稱天兄韋正更名呂輝與胡以光陳玉書皆土豪入會者也起事時秀全匿以光家秀清率眾迎之至金田旋移屯武宣縣東鄉招集亡命廣東海寇羅大綱貴縣龍山墟賊石達開皆擁眾歸附秀全勢日熾

洪秀全遣韋正襲敗官軍於新墟

賊踞鵬化署按察使司楊彤如遣督帶水師知府劉繼祖桂平縣知縣李子孟羣由新墟水陸進剿賊乘兵練甫集夜襲新墟官軍驚潰

廣東英德賊寇懷集人賀縣南鄉據大會墟官軍失利遂由黃田逼縣城據河東沙岸兵練夜渡襲之皆遁走

八月太平府賊潘寶源陷龍州署太平府龍州同知

王淑元死之

寶源聚眾稱大勝堂八月犯龍州淑元與次子光頡率團練往禦戰敗賊越城入大掠淑元及光頡皆遇害寶源竄隆安旋陷果化土州署隆安縣知縣李葆初外委張國樑剿之竄上林元年寶源申死礮

平桂紀畧

卷一

三

艇賊任文炳大掠平南

任文炳與張釗田芳梁阿長關福皆波山艇賊也三十年春思恩府劉繼祖撫張釗田芳旋叛去別為一隊任文炳與梁阿長等聚眾二千餘人秋大掠平南時潯梧兩府沿江艇賊縱橫水道不通賊頭目甚眾皆互相糾結其後梁培友遂為水路總管統攝羣醜而賊勢日張矣

九月土賊黃阿佑圍攻慶遠兵練擊之

廣西提督向榮率湖南兵出慶遠

金田賊至武宣象州招集醜類旋回金田而慶遠思恩各屬土賊乘勢蜂起官軍屢戰不利巡撫鄭祖琛疏請飭固原提督向榮由湖南入廣西會剿

土賊黃晚陷賓州守備田芬死之

黃晚與其黨覃興晚嚴阿文張阿曾等踞慶遠德勝鎮三十年興晚分黨犯忻城阿曾犯上林

九月黃晚陷賓州守備田芬遇害旋竄思恩走河池大肆焚掠而阿文復糾黨犯慶遠府城思慶所屬焚掠幾遍

慶遠賊陳晚陷忻城土司據之

土賊嚴阿文黃晚張阿會犯慶遠旋襲陷河池州

阿文等由遷江入襖洞聚賊五千餘人攻府城為兵練擊退阿會屯洛東洛西攻河池州不克退據六塘分擾金城江旋襲陷州城而去

十月提督向榮及賊大戰於慶遠索潭墟再戰於賓

州陶鄧墟獲黃晚誅之

榮及賊戰於索潭再戰於陶鄧墟所向皆捷黃晚由河池出援大敗擒偽軍師龐五王二等黃晚逸去匿山中其妻父梁順益導官兵獲誅之

平桂紀畧

卷一

四

河池州平洞賊黃臣用犯州城官軍擊卻之

平洞賊黃臣用糾黨二千餘人稱洪勝堂圍攻河池州城官軍擊卻之竄南孟

浪 橫州賊謝錫祥踞橫州靈竹墟提督向榮移軍白水

謝錫祥綽號長腰四橫州人嘯聚千餘人踞靈竹墟旋入陶墟向榮自遷江移軍白水浪錫祥敗竄隆州奉議州州判易見心撫之旋叛去合游賊袁晚謝八等寇百色

卒 上命前陝甘總督林則徐來視師行至廣東之潮州

土賊顏品瑤陷隆安

道光二十八年流賊李自昌張家祥蘇三相等糾眾劫掠村堡自昌死家祥三相黨日盛屢抗官軍

遊擊鄧宗恒段炳南都司張志和先後陣亡左江鎮總兵盛均不得已撫之賊窺官軍弱竊聚紛起三十年十月顏品瑤擁眾萬餘人破隆安竄新寧左江一帶騷然後為其下張晚所殺其黨散去各為頭目而左江自此多事矣

十一月潯州協副將李殿元都司宋煜率兵討金田賊潰於思旺秦川巡檢張鏞陣亡

雲南提督張必祿卒於潯州鎮遠鎮總兵周鳳岐領其軍

必祿率黔兵二千人來粵會剿至潯州卒

官軍剿金田賊敗於黃牛嶺副將伊克坦布千總田繼壽把總楊萬福潘繼邦劉洪海保定清何其莊皆

平桂紀畧

卷一

五

陣亡

十二月欽差大臣李星沅至桂林

星沅養親在籍上命為欽差大臣赴廣西與巡撫周天爵會同剿賊十二月初二日至桂林十三日駐柳州疏請益兵時向榮帥楚兵二千駐橫州雲南總兵李能臣率滇兵二千駐果化星沅皆調赴潯州復疏調貴州鎮秦定三帥黔軍赴潯會剿賊聞三省兵將至悉眾出大黃江以抗官軍

義勝堂賊寇百色至果化土州署同知孫蒙總兵李能臣擊走之

咸豐元年辛亥春正月官軍擊金田賊敗於牛排嶺守備王崇山千總湯成陣亡

向榮及李能臣周鳳岐統滇楚黔兵進駐平南馬鹿嶺元年正月十八日及賊戰於牛排嶺官軍敗

退官塘賊
踞大黃江

土賊劉入寇博白鴉山堡遂犯縣城知縣游長齡擊
敗之走陸川

廣東廣寧賊會阿昌由開建犯賀縣

會阿昌與溫大貨五皆廣寧人為盜拒捕逃入懷
集糾土賊黃顯等踞舖門墟逼賀縣城下平樂都
司周慶龍自梧州帶練勇來援廣東副將齊清阿
參將左炳統兵會剿戰於四面界齊清阿左炳皆
陣亡阿昌復擁眾回廣寧後為
廣東兵練追擊於清遠獲之

二月初八日金田賊焚江口及牛排嶺踞紫荆山出

屯武宣之東鄉巡撫周天爵奏調廣東副都統烏蘭

泰入廣西會剿

平桂紀畧

卷一

六

雲南師宗縣賊陳三陷西隆州泗城府知府徐堉督

師克復賊竄舊州

廣東信宜賊凌十八犯鬱林圍攻四十日解去

三月李星沅自柳州進駐武宣十二日卒於軍

星沅以諸將不協自往武宣視師舟中舊疾復作
未便乞假疏請關防暫交署撫周天爵上命回籍
養疾諭至星
沅已前卒矣

四月金田賊入象州中坪墟

賊由廟旺入象州中坪墟周天爵營象州城南向
榮營烏木烏蘭泰營百丈賊不能上復回東鄉

宣化土賊林一昌踞丁當墟知縣彭昌集討平之

一昌與土賊葉大顏晚等聯合葉大稱得元堂踞
隆安之喬建墟一昌稱連勝堂踞丁當墟復破武

緣仙湖伏肥等村昌集率練勇往剿獲一昌族誅之

廣東信宜賊凌十八犯陸川旋犯鬱林巡撫周天爵

使按察使楊彤如總兵李能臣擊走之

凌十八上帝會黨也道光二十九年魏昭成行其教於陸川博白土賊蠶起十八糾黨至二千餘人以王晚為軍師凌二十八為先鋒咸豐元年夏犯陸川縣城不克旋犯鬱林逼攻數次城幾陷知縣張晉圭阮正惠率師來援皆失利團總梁拱宸梁景勳羅亦綵等皆陣亡王晚每出戰詭裝異服鬼面如戲指揮說法喃喃鼓樂前導諸賊猖狂跳舞隨之遇者輒靡時巡撫周天爵駐潯州遣按察使楊彤如總兵李能臣倍道進兵營於福棉總兵王錦繡率所部來會連戰皆捷斬偽軍師王晚等數百人十八竄廣東化州旋據羅定州之羅鏡墟廣東官軍討平之劉八者上帝會黨與凌十八同起於信宜劉八分黨攻博白知縣游長齡擊卻之斬偽將軍張二頭目盧八等劉八竄回信宜後於

平桂紀畧 卷一

沙河墟被擒伏誅

土賊屈承儉據東蘭州鳳凰關

屈承儉黃二黃三等聚黨數千人據鳳凰關稱承義堂知州曹燮培勦之擒頭目梁二八月焚掠安定土屬之高嶺墟土官潘梧禦之戰於甘棠承儉分黨暗襲安定大掠而出潘梧回援陣斬蒙扶吝蘇扶亮等追至掄里擒黃陵黃阿勝韋阿貴劉老七袁計三等數十人承儉仍回鳳凰關二年竄興隆復竄遷江陶鄧墟入賓州為知州陶錫圭所擒

五月金田賊寇武宣官軍敗之

五月初八日向榮烏蘭泰及昭通鎮總兵經文岱進剿中坪賊逆戰敗之賊復糾黨攻武宣城官軍迎擊三戰三捷

柳城賊謝添夢李花馬踞和睦墟

道光三十年謝添夢李花馬與羅城賊余入嘯聚
九青山元年二月余入踞龍岸墟添夢花馬亦糾
土賊周入歐會養龍日昌共踞崩灘柳城縣知縣
魏金聲擊敗之竄踞和陸柳州府知府哈忠阿克
和陸斬花馬添夢匿融縣亦為官軍所獲

六月初四日欽差大臣賽尙阿至桂林

上命賽尙阿為欽差大臣節制諸軍六月初四日至
桂林遣副都統達洪阿率四川兵二千赴新墟副
都統巴清德率四川兵一千五百赴東鄉會合各路官軍進剿

二十七日官軍擊金田賊於新墟大捷

賽尙阿抵桂林檄諸將分路進剿賊敗入
竹園村一日七勝破英村賊遁入新墟

廣東信宜賊何明科犯容縣

明科糾黨劫掠號同義堂遣弟明招明怡率眾犯
容縣北流土賊梁十二大應之猖甚城幾陷巡撫

平桂紀畧

卷一

八

周天爵檄鹽法道林士傳往援陣斬偽先鋒大麥
阿二等數十人明科走信宜逃匿貴縣之雷村鬱
林團練誘執之

廣東欽州賊李士清踞明江

士清與弟士芳糾眾千餘人踞太平府屬之明江
入上思州之那崗旋踞那樓官軍擊敗之竄回欽
州為練勇所獲

七月十五日向榮破猪仔峽奪雙髻山要隘

金田賊退踞紫荆山前以新墟為門戶後以猪仔
峽雙髻山為要隘七月十五日達洪阿攻西南烏
蘭秦秦定三攻西北總兵李能臣經文岱攻東南
向榮巴清德由紫荆山後路進十五日破猪仔峽
遂奪雙髻山

宣化土賊顏品瑤糾黨萬餘人屯楊美墟窺伺郡城

其黨李三殺之賊圍攻新宜州不克乃解去

布政使勞崇光督辦左江軍務駐南宜品瑤糾各賊目聚黨萬餘人屯楊美下窺郡城千總張國梁率勇擊之不克乃密結其黨李三殺品瑤入守新宜賊大至圍攻數日而去各賊目擁眾各回各鄉而南郡土賊漸熾矣

八月初二日洪秀全陷永安知州吳江副將阿爾精

阿死之

賊敗於新墟謀暗襲永安伴於江邊造竹筏欲渡以惑官軍潛於七月十六夜由大簡踰嶺至花洲平南縣知縣倪濤率練勇守獨峯口眾寡不敵退冷水賊入思旺官軍環攻之不能克退守平南二十三日賊悉銳出向榮巴清德繞道截賊去向戰敗軍械盡失羅大綱已率賊千餘人薄永安城下知州吳江平樂協阿爾精阿嬰城固守次日賊至彌眾踞南街八月初一夜賊各執紙爆然火綫拋

平桂紀畧

卷一

九

入城中烟焰迷塞賊沿梯蟻附上城遂陷吳江投井死阿爾精阿斃於礮秀全入居城中分黨守水竇莫家村各衝要修築礮臺濬濠堅壁以拒官軍

有李結實如瓜

桂平賊梁阿介犯鬱林土賊鍾玉寶立友勝堂應之

陷古社周實等村

鬱林賊鍾玉寶號友勝堂貴縣賊梁阿花號忠義堂桂平賊甘大號永勝堂阿介糾三賊集二千餘人犯鬱林陷古社周實等村分踞之官軍擊阿介敗於鹿窩嶺遁匿新村桂平縣知縣程垣擒斬之

九月賽尙阿至陽朔

尙阿至陽朔檄向榮移營永安城北統北路軍烏蘭泰營水竇統南路軍適鄖陽鎮總兵邵鶴齡河北鎮總兵董光甲統湖北河南兵至四面圍攻賊負固不出

十月烏蘭泰敗賊於莫家村

賊分屯莫家村烏蘭泰埋地雷火器於秀才嶺誘賊入嶺火機全發斃賊千計

白山土賊凌阿冬踞太平府感墟署隆安縣知縣高

延祉率歸德土知州黃為錦剿之延祉陷賊中戰死

阿冬白山土司人居感墟大牛腸麥阿水皆其黨也道光二十八年糾游賊踞山心思恩府知府劉繼祖捕殺大牛腸等阿冬竄逸咸豐元年復附歸德土賊李中往來祥柯江中十月分遣張時贊等破歸德哨墟復踞武緣之淶谷村自率眾踞感墟以為援署隆安縣知縣高延祉率歸德土知州黃為錦剿之戰敗延祉陷賊中力戰死

十一月右江鎮總兵谷韞燦思恩府知府馬麗文攻

克感墟凌阿冬伏誅

平桂紀畧

卷一

十

二年壬子春正月流賊陶晚關良義蒙佞合黨犯思

恩府城知府馬麗文擊走之

陶晚立興裕堂關良義立和義堂蒙佞立仁勝堂糾黨合攻思恩府城知府馬麗文擊敗之擒賊目林生行石柳高

廣東水賊任文炳關福梁長等攻藤縣復下犯梧州

橫州賊零玉光踞北角墟知州黃輔相獲斬之流賊

謝江甸踞平馬墟

江甸初稱廣勝堂附李自昌自昌死江甸就撫仍聚黨往來左江沿河劫掠二年正月踞平馬墟官軍擒斬之江甸弟謝八復嘯聚山心河下糾聯袁晚謝錫祥等截掠行旅陸路村堡蹂躪殆遍滋蔓者十餘年

二月十六日洪秀全棄永安竄走官軍追之獲賊目

洪大全

賊負固永安官軍環攻克莫村水竇各要隘賊食盡議潰圍出二月十六夜賊先鋒羅阿旺率悍黨千餘人由古樹村小路竄逸秀全大隊繼之官軍從後追擊獲賊目洪大全

十八日烏蘭泰追賊兵潰於龍寮嶺邵鶴齡董光甲

長壽長瑞四總兵皆陣亡

烏蘭泰急欲建功連夜追入龍寮賊聚大崗十八日黎明大霧賊豎大礮山谷間轟擊官軍官軍驚退山路險窄自相踐踏死者無算四總兵皆陣亡

二十八日向榮至桂林

官軍潰於大崗賊自天坪均北行向榮回守荔浦二十五日賊繞出馬嶺有窺省城意向榮知之遣

平桂紀畧

卷一

十一

飛報劉長清和春自引數騎間道馳回桂林時諸軍皆在外省城空虛聞賊將至守陴戒嚴羣情洶洶向榮入城民心稍定

二十九日洪秀全犯桂林

時劉長清和春之兵亦至登陴守二十九日賊蜂擁攻城城中已設備力禦之參將長明守麗澤門賊礮碎其首三月初四日賊昇礮登象鼻山轟擊城中震動會秦定三王錦繡松安常祿馬龍李孟羣陳瑞芝各率兵勇至北門糧道始通十六日張敬修率東勇至福山腳未陣賊猝乘之勇潰棟發都司額勒和泰陣亡湖南提督余萬清亦率楚兵至營於城北當是時內外兵勇二萬餘然皆久征疲病能戰者寡賊據西街密造呂公車寬長丈餘下用四輪中貯火器外施板障上排雲梯高與城齊十八日於文昌門外搖旗擊鼓推挽而來向榮督軍士擲火器焚其車賊盡死車皆退去賊無奈日來攻城城中大礮皆運赴永安於昭忠祠後掘得前明鐵礮二十餘分置城上賊始不敢逼

三月朔烏蘭泰來援與賊戰於將軍橋中礮傷千總李登朝死之

烏蘭泰聞賊攻桂林倍道來援至將軍橋部伍相失在後烏蘭泰獨引數十騎呼噪而進至將軍橋賊據橋過官軍烏蘭泰策馬過橋礮中膝李登朝翼之退獨立橋頭戰死

廣東副都統烏蘭泰傷發卒於軍

烏蘭泰退回陽朔創甚聞李登朝戰死大呼殺賊者再而卒

任文炳寇潯州團總刑部主事劉惠人舉人周溯賢

逆擊於古雍灘敗之

任文炳復自梧州西上官軍禦於榕潭不克戰於藤縣再敗賊遂寇潯州

四月初二日洪秀全陷興安

平桂紀畧

卷一

三

四月初一夜賊棄船由凌田墟竄去先於象鼻山東草為人礮置藥綫用長繩引之官軍聞礮聲不知賊去也初二日陷興安縱火焚衙署而去寇全州

十六日洪秀全陷全州知州曹燮培參將楊映河死之

賽尙阿檄秦定三劉長清王錦繡等率兵勇追賊至全州聞飛鸞橋已焚斷退營魯班橋會湖南都司武昌顯引兵四百至州城與城中官軍固守賊據城外江西館穴墻置礮轟擊西門守陴者不能立賊匿民房穴城下置火藥十六日火發崩塌城垣二丈餘賊蟻附登忿城中固守賊黨馮雲山鑿於礮屠殺甚慘知州曹燮培參將楊映河前全州知州瑞齡湖南都司武昌顯安徽解餉委員盧金弟陳堯等皆死焉賊去寇永州旋由蓮灣塘寇道州

土賊李之信施晚犯慶遠兵練擊敗之

任文炳寇潯州團總候選知縣張秉亮戰死

賊乘春漲復寇潯州秉亮率團丁與賊戰於西郊力竭遇害時城中守具未備官民洶洶賊揚帆上寇貴縣

五月新寧賊吳凌雲據羅隴村

凌雲新寧州附學生家素豐官以事陷之獄逸出招納亡命築壘山中拒捕知州慶祺破其巢凌雲與土賊雷四大傅大同據羅隴村旋出就知州程佐撫已而復叛

六月兩廣總督徐廣縉駐師梧州任文炳死

廣縉駐師梧州十一日賊自上游下竄官軍逆擊大敗之任文炳溺死關福梁長逃至濛江伏誅

賓州土賊李志信入柳州大發墟戕殺馬平縣知縣

李燦

平桂紀畧 卷一

三

志信擁眾至大發燦率兵勇出駐喇堡墟距賊三十里賊知官軍將至襲入喇堡戕官而去

柳州賊唐元修據龍瓜新村旋寇修仁縣知縣茅本

蕙擊敗之

元修聚眾二千餘人稱聚義堂據龍瓜新村旋劫掠修仁茅本蕙擊敗之擒賊目潘日華于品受元修竄來賓之大灣墟被獲

七月上思州賊李恒芳犯寧明州

恒芳上思汪淋村人糾黎永福陸長春等犯寧明與寧明土賊李合聚眾五千餘人遷江隆安土崗思陵各賊皆附之擾南寧太平所屬幾遍據上思之板棍村兵練夾擊之諸賊分散恒芳竄馱橋黎永福竄南寧新寧州知州劉作肅都司陽全忠合兵攻馱橋恒芳走上思州之那懶村被獲伏誅並獲陸長春馬化麟

高廉道沈隸輝與賊戰於潯州嶺頭舖敗之

賊自貴縣復下掠潯州會隸輝率師至擊敗之賊遁梧州復為官兵所敗西江河道稍靖而土賊蠶起

八月宣化吳村賊黃武映犯縣城據亭子墟殺團長

舉人蘇元初千總秦玉麟外委陳兆龍何成彥等皆

陣亡

武映與雷智勇梁日高皆吳村土賊聚眾肆出劫掠八月將犯府城千總秦玉麟等以師逆之戰於紅泥嶺官兵軍潰玉麟等皆陣亡賊分黨沿河上將政府城官兵禦之退據亭子墟殺舉人蘇元初焚掠村舍數日回吳村

永淳賊李文彩攻陷藤萋村

平桂紀畧

卷一

七

文彩永淳種人元年秋永淳客民佃民相讐殺佃賊李可經等倡議免輸連村結會嘯聚數千人時南甯土賊紛起文彩尤狡黠當事者議招撫之文彩就撫旋與佃種相結讐殺愈甚藤萋村客民黃姓族最富田畝甚廣八月文彩暗約其族人黃福昌為內應破其村還據平朗墟恃火烟閣之險凌脅各鄉劫掠過客行旅不通

彗星見

藤縣甯風鄉擒艇賊張釗以獻誅之

張釗號大頭羊艇賊之渠也就撫未幾復據戎墟大黃江劫掠行旅八月至藤縣為甯風鄉人擒獲以獻誅之

三年癸丑春二月何賤苟犯灌陽

賤苟湖南人咸豐元年迎偽太平王於永州授偽職號太師隨洪秀全攻長沙陷武昌三年正月薙

髮回灌陽糾土匪千餘人屯城西武侯廟亟攻城不克退清洞源九十九灣據峻嶺築土城為負隅計灌陽知縣涂泰琛擊之擒先鋒陳秀陞奪其大平總制旗賤苟遁永明六月復竄富川知縣韓榮擒誅之

流賊唐元修入永寧大掠而去

元修與喬老苗蕭亞杞等敗竄象州約土賊朱亞苟陳亞洪等攻柳州知有備突入永寧大掠而去

三月貴縣賊謝開入陷遷江

開入擁眾四千餘人由來賓至遷江兵練守禦不及賊攻入縣城據數日候補道張敬修帥勇追至賊始由南鄉而去官兵追之戰於古元村獲開入餘賊潰散

雲南黑沙賊王幅僭王號寇西隆州據祥播村官軍

擊敗之獲其偽將軍王付韋阿休等

平桂紀畧

卷一

黑沙地屬雲南師宗縣王幅聚黨屢寇西隆三年三月據祥播村干總林友直團總黎瀚擊破其巢追獲王付韋阿休等斬之王幅竄西林為團總岑毓英所誅

四月洪勝堂賊蕭亞杞喬老苗等陷融縣

亞杞老苗等糾洪順堂順義堂英義堂合義堂各賊攻陷融縣旋出據浮石

袁晚謝錫祥黃亞葵等據鎮遠土州

袁晚與謝錫祥分據田州為巢擾山心隆安下顏歸德各處三年正月糾約都結結安佶倫向武龍英萬承上林各土賊近萬人會於鎮遠土州奉袁晚謝錫祥為首

五月二十二日張鳳岡侯爾字襲陷興安

武舉張鳳岡廩生侯爾字皆興安人居南鄉武斷鄉曲人皆畏之三年四月岡等詭倡邪說脅人拜會聚眾馬平村知縣蔡映符捕之岡等遂謀作亂以石生仁廖老九王苟晚蔣方隆等為元帥頭裹

紅巾自稱洪秀全餘黨五月二十二日襲陷縣城
映符陷城中子懷初赴省告警巡撫勞崇光檄按
察使許祥光守備甘應時剿之師次小溶江

廣東羅二沛據蒼梧長洲官軍擊走之

二沛由蒼梧竄岑溪之筋竹墟招集散賊得三千
餘人據長洲為巢自出屯廣平墟兵練襲破長洲
二沛分黨守小河口以阻官軍官軍戰於廣平大
敗之擒徐亞許韋成彥鄧福申等二十餘人二沛
竄走羅定

新寧賊謝喜發糾吳長腰四犯南寧

南寧府勇目潘其泰所統勇丁橫肆凌民民皆惡
之時南寧土賊日盛喜發與曾十大雞大等脅民
拜會漸及城下官不能禁民多曲從喜發等惡其
泰尤甚率眾攻之戰敗知府黃輔相令其泰悉捕
誅拜會者所殺甚眾喜發等因眾忿益糾合各賊
目並長腰四數萬人攻府城聲言誅其泰實欲去

平桂紀畧

卷一

六

其泰而逞其欲也初五日由北門攻入其泰擊退
之自勇賊相鬪城外焚掠一空閉城者數月輔相
令民出貲送其泰行土賊入城驕橫愈甚遂不可制矣

艇賊田芳侯成伏誅

田芳號大鯉魚與侯成張釗同時就撫已而劫掠
愈甚知府陳瑞芝以計誅之其黨梁培友復橫行
江上人呼鯉魚仔云

六月朔張鳳岡陷靈川

許祥光師次小溶江值鳳岡陷靈川遣王六劉大
等結湖南東安賊蔣志得犯全州遣唐老九蔣方
隆屯長岡嶺石生仁秦昌裕出海洋坪犯省城右
江道張敬修率師來援捷於東街再捷於海洋坪
會許祥光由甘棠渡收復靈川繼復興安鳳岡
岡爾宇逃匿為拔貢生易煥書誘執伏誅

七月武緣賊李儀察黃懷連犯思恩官軍擊卻之

八月廣東賊韓鳳蕭晚入永寧城

韓鳳蕭晚由東泉入永寧城九月分竄韓鳳出柳城蕭晚出喇塔鳳旋就撫

十一日吳長腰四陷修仁十二日襲陷荔浦

長腰四田芳黨也三年七月田芳誅於梧州長腰四入象州收唐元修餘黨糾土賊楊清剛等分擾都司萬明魁來援由龍口丹竹進攻荔浦會把總方錦湖亦克復修仁長腰四竄永安時中平墟賊駱四起於桐木遂與長腰四合四年長腰四死駱四領其眾稱英義堂

流賊東莞晚陷修仁知縣吳朝鳳駐東鄉

賊至桐木總兵馬榮陞率兵二百來援與朝鳳防勦

九月貴縣賊劉八犯上林官軍擊卻之

平桂紀畧

卷一

七

劉八自稱連勝堂糾信義堂賊由賓州上白墟據大黃村旋攻上林守城兵燬斃賊四十餘人賊怒焚毀城外數家而去

十月喬老苗蕭阿杞據融縣和陸墟犯縣城試用知

縣江載愔來援擊敗之

老苗阿杞結連太平墟顏大永福黃阿標駱四張英吳長腰四何阿烏等旬日之間眾至萬餘人據和陸墟犯縣城知縣盧際運典史吳嘉彥守備唐文燦外委趙元祥禦之元祥陣亡載愔率韓鳳來援大捷賊竄走

十一月土賊張文鳳犯慶遠

文鳳與羅大陳大等犯慶遠為官兵擊退竄天河

田州賊陳興富梁隨富犯百色圍攻月餘不克退田

州

興富糾廣東賊崩牙陳鍾阿開自山心水陸並進至百色城下圍攻月餘不克退田州焚土司衙署竄隆安

洪順堂賊陷融縣竄柳城樟木村守備萬明魁擊走之

十二月流賊黃阿標犯永福知縣鳳貴擊卻之

阿標韓鳳餘黨也鳳就撫阿標歸塞沙與韋老平林火秀周大才等聚黨數千人犯縣城鳳貴調集兵練禦之會朱啟仁以梟勇來援與賊夾河而陳礮轟斃賊數人練勇涉水奮擊賊敗走

四年甲寅春正月賓州賊覃恩培覃觀成襲陷上林三里團練擊敗之

平桂紀畧

卷一

六

土賊黃三黃五潛引恩培等充作官軍由洋渡襲破三里城塘紅團武生羅寶珍石牛團生員覃濟川六戶團武生覃國香城內監生周玉書等各率團丁齊出奮擊殺賊甚眾賊復由洋渡遁去

象州紅兜肚賊劉大四劉阿益古三盛等陷修仁知

縣洪錫恭死之賊竄荔浦

大四入寨砂黃冕與阿益三盛等聯結共陷修仁知縣洪錫恭傷甚自殺越日竄荔浦

劉大四襲陷陽朔

賊由馬嶺襲陷陽朔知縣申祥集團克復大四走龍頭潭古三盛劉阿益先後伏誅

二月貴縣賊施晚寇鬱林之沙田市糾王十九犯博

白知縣錢恩福率團練擊之賊宵遁據新墟

施晚率賊黨五千餘人劫掠鬱林沙田市進攻博白之茶根村團練戰敗陣亡陳紹宗等四十餘人

遂約王十九圍攻縣城知縣錢恩福飭貢生秦邵章秦邵普生員朱錫杰武生覃恩慶等率練丁擊之賊宵遁

慶遠賊張文鳳犯府城兵練擊卻之

貴縣賊黃阿石寇北流西山墟進逼草鞋坡旋退走

賊寇西山墟欲犯縣城至草鞋坡距城十里遽退走問者云賊至坡見縣城外旌旗戈戟林立有神人當道故人當道故懼而遁也

李文彩犯永淳知縣刁汝元擊敗之克復藤萋村

文彩攻蘇梁張三村進逼永淳城官軍擊敗之四月克復藤萋村

黃亞標據永福羅錦墟劉四大駱四張英等賊目皆

率黨會擾塞沙桐木試用知縣江載悳四川守備劉

平桂紀畧

卷一

九

天才自柳州來援不克死之

三月何晚犯象州敗竄平南知縣李載文要擊大破

之

何晚糾各賊犯象州官軍敗之退攻思旺不能入竄平南載文要擊擒偽先鋒陳昌殺賊無算

土賊古三盛陷修仁知縣洪錫恭典史陳助之死之

賊由寨沙攻縣城錫恭率兵練死守城陷練丁死者甚眾錫恭助之皆自刎

忠義堂賊潘大廣和堂賊蒙扶發興義堂賊羅廷拔

犯思恩府知縣翟景禧擊卻之

四月艇賊梁培友大口昌就撫

潯州府知府撫廖社養時黃十一陳東五等皆誅死土賊暫息梁培友大口昌亦就撫而包船肆掠

如故趙洪黃二等復聚黨拜會大口昌叛從之已而培友亦叛去艇賊日熾勢同燎原矣

劉阿益陷修仁

趙洪覃七陷貴縣

洪等脅民拜會梁昌叛附之陷縣城知縣李嘉年去之

和義堂賊犯永寧

和義堂賊糾仁義堂懷義堂各匪三千餘人犯州城賊皆赤體頭裹紅巾圍攻數日旋解去

五月梁培友據潭村戕殺府經歷程承芳

培友區潤馮鈞吳坤皆田芳黨也田芳就撫培友領其眾時為官軍應援就羈縻田芳伏誅培友假潯州府巡緝旗幟劫掠江上五月據潭村梧州府陳瑞芝率潮勇擊之失利而返

藤縣賊黃桂林糾何晚陳東江寇永安水竇知州羅

平桂紀畧

卷一

三

福杲擊敗之

聯義堂賊楊文帶糾友勝義勝各賊犯歸順敗竄新墟

龔長青黃采菊犯永寧知州吳文洲守備庾文昌擊走之

六月何晚吳阿經張鈞得陷象州戕殺訓導白杰貢

生林嶽培馮禹颺

何晚糾阿經鈞得由武宣良村陷象州戕殺訓導白杰等數人會韋晚覃老必劉廣福等由象州擾修仁何晚遂與合黨竄四排附於陳志廣張高友後復附李文茂武宣知縣朱爾輔招撫之易名松亭

劉阿益周阿蘋犯永福參將王海青率果勇迎擊擒斬之

貴縣賊劉八焚掠遷江之瓦山

遷江屢經蹂躪民居殘破邑令寄寓河里墟邑民之避難者皆聚於瓦山賊至縣城無所掠而去六月劉八率賊三千餘人圍瓦山縱火焚之擄男婦數百人土賊賴五等復脅民拜台入會者十居八九賊愈眾而良民亦不聊生矣

土賊趙應芳陸成泰凌阿先李嗣文勞恒雞等陷龍州同知徐埭死之

應芳等陷龍州犯太平九月知府劉作肅擒誅陸成泰等餘黨悉歸吳凌雲

七月梁培友據戎墟進逼梧州州同廣壽巡檢張寶

平桂紀畧

卷一

三

麟從九何植光譚伯福皆陣亡

培友據戎墟水陸各賊皆附之波山艇賊關鉅黃定遠以其眾來會共結三合會稱洪兵培友為總管分黨犯藤縣培友進據三角嘴亟攻梧州城初五日官軍失利州同廣壽等皆陣亡

蒼梧土賊羅華觀據下郢

梁培友攻梧州華觀據下郢應之

廣義堂賊蘇阿成圍攻養利天保縣知縣蘇在中來援賊宵遁

廣東賊雷阿恩王阿豪豆皮均因土賊李公培涂坤陷懷集知縣史勳教諭何元崇訓導龍恩寵守備李定邦皆死之

阿恩等犯懷集知縣史勳守禦之士賊李公培縣役涂坤爲內應城遂陷幕友許志章並及於難

李文彩犯橫州

六月文彩陷據顏村永淳境內未附從者數村而已七月遂合賓州貴縣賊犯橫州團練擊殺賊目黃亞佐賊乃解去

閏七月初九日藤縣大坡賊盧二十襲陷容縣據之

時知縣王政示期考試盧陰令羣賊僞爲應試者以黎明至縣城眾方熟寐賊已入城執王政幽之

洪義堂賊王大保竄雒容知縣楊毓麟擒斬之

八月十一日梁培友糾自良墟賊馮六范阿音陷藤

縣知縣翟登峩典史冉正棠死之

賊攻梧州官軍守禦嚴遂率黨上攻藤縣自良墟賊馮六范阿音應之十一日城陷知縣翟登峩典

平桂紀畧

卷一

三

史冉正棠死之正棠妻孫氏登峩子襄采幕友魯蘭生李爲棟前候補知府劉繼祖皆及於難自良賊遂據藤縣

初四日陳永秀朱勝紅劉紹和等陷恭城

廣盛堂賊白彪周聶子陷義宜戕殺訓導李宜春

彪與聶子聚眾八千餘人稱廣盛堂擾柳州八月陷義宜戕殺訓導李宜春退據喇塔旋據義宜之六都七都彪等後就撫莫福綏領其眾

平南賊覃阿兒滿據大坡

阿兒滿與姪阿稅糾眾拜會各鄉響應著名頭目蒙五陸逞志胡德禧黎儀唐國和唐昌富龍受濟譚德寬等數十人自立王侯元帥名號改元太平聚眾數萬肆出劫掠爲平南土匪淵藪閱十餘年始克剿滅

九月朱洪英周義林鄧正高陷灌陽知縣鄧樹榮擊之退據栗木

洪英義林屯平樂沙子街八月至恭城適正高竄栗木遂與聯結同陷灌陽巡檢婁泰把總潘勝榮皆戰死樹榮集團練擊之賊退據栗木正高由官塘寇全州

土賊周聾子寇永寧知州吳文洲擊賊於杉木村殺賊數百擒其酋

周聾子自古底寇石龍遂入城擄龍泉等處九月退三陴文洲擊賊於杉木村殺賊數百並擒其酋竄永福

鄧正高陷興安

正高竄興安知縣周謙光禦於茗田失利賊陷縣城巡撫勞崇光遣楚勇義勇會全州兵為援克之

平桂紀畧

卷一

三

賊入塘村

趙洪寇潯州府城知府劉體舒擊敗之

賊約城中拜會者為內應亟攻城官軍截其歸路戰於西關擒斬賊一千七百餘級

盧二十回大坡范阿音據容縣

盧二十回大坡范阿音入據容縣設偽官以馮驥為軍師

土賊朱加才攻羅城知縣倪韶書擊之殺賊日詹二

賊遁走

加才糾洪義堂清義堂中義堂仁義堂等賊攻羅城韶書擊殺詹二賊乃遁

十月官軍克復懷集

官軍克復藤縣

候補道張敬修率兵勇西上駐藤縣各鄉團咸以衆來會賊嬰城固守衆環攻之賊懼縱火焚民居棄城而遁

賊解梧州圍去

艇賊自七月圍攻梧州至十月乃解去

龔長青黃采菊謝螺螺據永隘魯洞知州吳文洲剿之與子丙生皆戰死

長青等由石龍石牌進據魯洞文洲督團練莫昌銘姚宏緒守備王鳳清等擊之敗之清水塘長青等更結土賊唐秉剛王紹祥屯杉木村將圖大舉文洲與子丙生率兵練至魯洞欲乘賊未備薄之賊退匿杉木村文洲麾師馳之賊伏起叢薄間文洲及丙生皆力戰死委員阮士清往援亦戰歿

安義堂賊許英糾平樂沙子街賊據西嶺塞守備萬

平桂紀畧 卷一

十四

明魁擊走之

許英與土賊劉貴秀劉贊成糾沙子街順義堂廣義堂連義堂各賊萬餘人皆著紅巾同據西嶺塞明魁擊之捷於龍江口擒偽先鋒韋昌和等十餘人再捷於白洋賊皆竄走

十一月鄧正高犯全州據花橋千總潘其泰擊之斬

首二千餘級賊竄恭城

正高率賊數千圍攻州城千總潘其泰以果勇擊之斬首二千餘級克花橋正高敗退麻子渡分掠路口白沙由九塊田入恭城

白良賊復犯藤縣千總劉松芳擊敗之追至富崗不及而還

荔浦賊張高友糾陳志廣黃金豹犯桂林至六塘統

領果勇潘其泰擊敗之回荔浦

高友福建人客荔浦道光三十年武緣賊陳阿貴擾荔浦高友應募充壯丁四年象州賊黃金豹修仁賊胡元隆掠荔浦高友叛從之八月破天門巖殺男婦數百人十一月糾志廣金豹等犯省城至六塘潘其泰率果勇擊之竄回荔浦

十二月藤縣義昌鄉賊擾十五都千總劉松芳擊走之